

BOSNA I HERCEGOVINA  
FEDERACIJA BOSNE I HERCEGOVINE  
GRAD LUKAVAC  
GRADONAČELNIK  
SLUŽBA ZA INVESTICIJE I RAZVOJ

Broj: 06-11-1555/26  
Lukavac, 17.06.2026. godine

Na osnovu člana 64. stav (1). tačka a), člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14, 59/22 i 50/24) te Preporuke Komisije za provođenje postupka javne nabavke broj: 06-11-1555/26 od 16.06.2026. godine u otvorenom postupku javne nabavke usluga izrade Elaborata za postavljanje posebnih objekata na cesti radi smanjenja brzine kretanja vozila u ulici Titova pomoćnik Gradonačelnika za Službu za investicije i razvoj d o n o s i

**ODLUKU**  
**o izboru najpovoljnijeg ponuđača**

**Član 1.**

Prihvata se preporuka Komisije za provođenje postupka javne nabavke broj: 06-11-1555/26 od 16.06.2026. godine i ugovor za izradu Elaborata za postavljanje posebnih objekata na cesti radi smanjenja brzine kretanja vozila u ulici Titova dodjeljuje se ponuđaču INSTITUT ZA GRAĐEVINARSTVO "IG" d.o.o. Banja Luka ponuda broj: 1507/26 od 12.06.2026. godine, za ponuđenu cijenu u vrijednosti od 1.049,00 KM bez PDV-a, kao najpovoljnijem ponuđaču.

**Član 2.**

Ova odluka objavit će se na internet stranici ugovornog organa ([www.lukavac.ba](http://www.lukavac.ba)) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**Član 3.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 06-11-1555/26 od 21.05.2026. godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 2.000,00 KM.

Obavještenje o nabavci broj: 719-1-2-83-3-117/26 objavljeno je na Portalu javnih nabavki dana 25.05.2026. godine.

Komisija za provođenje postupka nabavke imenovana Rješenjem broj: 02-04-1620/26 od 26.05.2026. godine i Rješenje o izmjeni broj: 02-04-1620-1/26 od 12.06.2026. godine dostavila je ugovornom organu-Pomoćniku Gradonačelnika za Službu za investicije i razvoj Zapisnik o pregledu i ocjeni ponuda broj: 06-11-1555/26 od 16.06.2026. godine, Preporuku o izboru najpovoljnijeg ponuđača broj: 06-11-1555/26 od 16.06.2026. godine i Izvještaj o radu broj: 06-11-1555/26 od 16.06.2026. godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene četiri ponude;
- da su blagovremeno primljene četiri ponude;
- da nije bilo neblagovremeno primljenih ponuda;
- da su ponude ponuđača: DELI Design Studio & Consulting d.o.o. Sarajevo, NTSI-INSTITUT d.o.o. Sarajevo, WIDE d.o.o. Visoko i Institut za građevinarstvo "IG" d.o.o. Banja Luka kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način.

Detaljno obrazloženje razloga za izbor najpovoljnijeg ponuđača dato je u Zapisniku o pregledu i ocjeni ponuda broj: 06-11-1555/26 od 16.06.2026. godine koji se uz ovu Odluku dostavlja svim ponuđačima koji su učestvovali u postupku nabavke.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu tendersku dokumentaciju utvrđeno je da procijenjena vrijednost nabavke bez uključenog PDV-a iznosi 2.000,00 KM i da je kriterij za dodjelu ugovora ekonomski najpovoljnija ponuda sa podkriterijima cijena 98% i rok plaćanja 2%.

Ponuđač INSTITUT ZA GRAĐEVINARSTVO "IG" d.o.o. Banja Luka ostavio je prihvatljivu ponudu sa cijenom od 1.049,00 KM bez PDV-a i rokom plaćanja 60 (šezdeset) dana koja je u odnosu na kriterij za dodjelu ugovora ocijenjena kao najpovoljnija.

Iz navedenih razloga, primjenom člana 64. stav (1) tačka a) Zakona o javnim nabavkama, člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14, 59/22 i 50/24), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) riješeno je kao u članu 1. ove Odluke.

#### **Pouka o pravnom lijeku:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalitelj je obavezan dostaviti original dokaz o plaćenju naknadi za pokretanje žalbenog postupka, ovjeren od strane banke, sa pozivom na broj protokola tenderske dokumentacije na koju se izjavljuje žalba.

Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Grad Lukavac-Služba za investicije i razvoj, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka

POMOĆNIK GRADONAČELNIKA  
ZA SLUŽBU ZA INVESTICIJE I RAZVOJ  
(ovlaštenje broj: 02-04-616/26 od 04.05.2026. godine)  
Lejla Hodžić, dipl.in.građ.

#### **Dostaviti:**

1. DELI Design Studio & Consulting d.o.o. Sarajevo
2. NTSI-INSTITUT d.o.o. Sarajevo
3. WIDE d.o.o. Visoko
4. Institut za građevinarstvo "IG" d.o.o. Banja Luka i
5. Arhivi.-